

## S O N E T O S Ó N A D A L.

### I

Está nevando amor no mundo enteiro,  
(!mais os homes apenas saben nada!).  
Proclaman as campás unha alborada  
a sonaren alegres no sineiro.

A terra esperta nun urro grandeiro,  
e cantan os galexos entre a xeada  
a anunciar unha nova cobizada:  
a nacida de Cristo xusticieiro.

!Xesús naceu!, exclama alegremente  
o coro dos meniños sobre as neves  
ciscadas xunto ó camiño real.

!Xesús naceu!, resposta o eco de enfrente  
xurdido dunha cume núa e sen sebes:  
!Serra aberta! !Agoiro de Nadal!

### II

En Belén, mesmo xunto ó camiño,  
polo Nadal, cada ano, unha rosa  
frolece boniteira e asaz vizosa  
en lembranza daquel neno diviño.

As xentes vanlle dar o seu aloumiño,  
e vai medrando lúcida e fermosa  
no corazón de todos onde airosa

esparxe a súa ledicia coma un viño.

Abrollou fai caseque dous mil anos  
a se facer testigo dum suceso  
grabado de cotío na memoria.

Frolece pra ventura dos humanos,  
pois sempre a foron ver co peito aceso  
en lapadas de amor e mais de gloria.

### III

Celebro o Nadal, ben ledo e algareiro,  
pois é data feliz na crúa invernía,  
mes encheito de gozo e de harmonía,  
tempo de bailar ó son do pandeiro...

Celebro, con relouco ventureiro,  
o excenso paristallo de María,  
o exemplo de Xosé trocado en guía,  
a Noiteboa co adorno no piñeiro...

Celebro o dóce saibo do turrón,  
os pastores decindo a súa ledaiña,  
as folerpas a caír ingratamente...

Celebro os tres Magos en oración,  
a música lanzal da paxxoliña,  
o amor esparexido rente a rente...

### IV

Xúnguese nunha aperta ceos e terra  
porque naceu o meniño redentor  
latexando esperanza e mais amor  
pra que froleza a paz e non a guerra.

Xúnguese ás dúas maus, de serra a serra,  
os homes bos que viven sen rencor  
e agardan a luzada dun albor  
pra escorrentar o medo que os aterra.

Xúnguese branco e negro nun abrazo  
e arromban o fusil e a metralleta  
pra cantar paxolifías ó regén.

Xúnguese a humanidade brazo a brazo  
e camiña en ringleira cara a meta  
disposta xa fai sigros en Belén.

V

Inquedos armadanzas con paciencia  
ergueron en Begonte un monumento:  
ronsel de paz divina, facho ao vento  
rebordante de amor e transparencia.

Déronlle, apaixoados, a inocencia  
da poeira do camiño borallento  
mixturada cun máxico talento  
a se erixir no centro da conciencia.

Déronlle, asemade, luz da estrela,  
guieiro dos peregrinos ao portal  
na grande noite serea e misteriosa...

Déronlle, en fin, ciencia ben sinxela  
pra facer de Begonte unha lanzal  
Galilea mais galega e mais fermosa.

---oo---

Lema: UNHA LANZAL GALILEA...